

Badminton Kalaallit Nunaat (BKN)-ip inatsisai

Badminton Kalaallit Nunaat (BKN)-ip inatsisai	1
§ 1 Aqqa angerlarsimaffialu	2
§ 2 Kattuffiup siunertaa	2
§ 3 Kattuffimmi suliassat	2
§ 4 Kattuffinnut allanut attaveqarneq	2
§ 5 Ilaasortat	2
§ 6 Inatsisit maleruagassallu	3
§ 7 Doping akiorniarlugu (Anti-doping) aalajangersakkat	3
§ 8 Pissartanngorniunnernut taakkunanilu peqataanissamut akuersissutit	3
§ 9 Unamminerni maleruagassat	4
§ 10 Meeqqanik pinerlisimannginnermut uppersarsaat	4
Aalajangersakkat nalinginnaasut	4
Inatsisinik unioqutitsinerit il.il., pillaatit, ingerlatitseqqinneq akiliisinnaajunnaarnerlu	4
§ 11 Inatsisinik unioqutitsinerit il.il. pillaatillu	4
§ 12 Ingerlatitseqqinnissamut periarfissat	5
§ 13 Akiliisinnaajunnaarneq il.il.	5
§ 14 Ukiup kaajallannera	5
BKN-imi sinniisoqarfik	5
§ 15 Katitigaanera qinersinerillu	5
§ 16 Sinniisoqarfiup ataatsimiinnera	7
Siulersuisut	8
§ 17 Qinersinerit katitigaanerilu	8
Allaffeqarfik ataatsimiititaliallu	9
§ 18 BKN-ip allaffeqarfia	9
§ 19 Aalajangersimasumik ataatsimiititaliat allat	9
§ 20 Naatsorsuutit kukkunersuinerlu	9
§ 21 Amatør- og ordensudvalg-ip katitigaanera suliassaalu	10
Immikkut aalajangersakkat	10
§ 22 Kattuffiup atorunnaarsinnera	10
§ 23 BKN-ip atorunnaarsinnerani aningaasat uninngasuutit	11

§ 1 Aqqa angerlarsimaffialu

Kattuffiup aqqa tassaavoq Badminton Kalaallit Nunaat (BKN). Angerlarsimaffia tassaavoq Kalaallit Nunaat.

§ 2 Kattuffiup siunertaa

Klub-it inissisimaffinni tamaneersut sapinngisamik amerlanerpaat aallartisarnissaat kiisalu badminton-ertarnerup iluani inuit ataasiakkaat ineriartorsinnaanissaasa qulakkeerneqarnissaa.

§ 3 Kattuffimmi suliassat

Kalaallit Nunaanni badminton-ertarnerup iluani BKN suliarnut atatillugu allaffissornikkullu oqartussaasutut makkuninnga pisussaaffeqarpoq:

Suleqatigiiffittut: Kattuffimmi ilaasortaasut akornanni timersornikkut allaffissornikkullu suleqatigiinnissaq siunertarlugu suliniuteqarneq.

Soqutigisaqatigiit suleqatigiiffiattut: Timersortartut kattuffiit allanut, ilaatigut GIF-mut, nunami oqartussaasunut nunanilu allani kattuffiit ataatsimoortumik oqaaseqartartussaaneq ilaasortallu nalinnaasumik soqutigisaannik saqqummiussisarneq.

Sinaakkutassat: Badminton pillugu inatsisinik maleruagassanillu aalajangersaannerit; badminton-imik timersornermi inatsisit maleruagassallu atuuttut malinneqarnissaannik qulakkiineq, kiisalu qanoq paasinninnerit pituttuisut pillugit saqqummiussisarneq.

Paasisitsiniaanerit: Badminton-imik timersornerup ineriartornera angusallu pillugit tusagassiorfinnik, innuttaasunik badminton-imillu soqutiginnittut akornanni paasisitsiniaasarnissap qulakkeerneqarnissa.

Pissartanngorniunnerit: Inissisimanerit tamaasa ilanngullugit pissartanngorniunnerinik periarfissiinerni ineriartortitsinissaq, akuersisarnissaq ingerlatsisarnarlugu, tassungalu ilaapput Kalaallit Nunaanni Pissartanngorniunnerit/Kattuffiup iluani pissartanngorniunnerit.

Hold-it akornanni pissartanngorniunnerit: Kattuffik hold-it akornanni pissartanngorniunnerinik ingerlatsisinnaavoq.

Siammasissumik neqerooruteqartarneq: Badminton-imik timersornermi ilaasortanut tamanut suliniuteqarnissanik neqeroorutit ineriartortitsineq qulakkeerrinninnerlu.

Pikkorissarneq: Siuttuusunik, sungiusaasunik dommer-inillu pikkorissaanernik ingerlatsinissaq.

Unammisartunik pikkorivissunik ineriartortitsineq: Kalaallit Nunaanni badminton-ip nunani tamalaani qaffasissumik inissisimanissaa qulakkeerniarlugu unammisartunik nunarsuaq tamakkerlugu unammilleqataasinnaasunik sungiusaaneq/ineriartortitsineq.

Aaqqissuussinerit: Kalaallit Nunaanni nunanilu tamalaani timersornermik tusagassiornermillu sammisaqartut akornanni badminton-imik timersornerup inissisimanera takussaanelugu qulakkeerniarlugu badminton qitiutillugu aaqqissuussisarnerit.

§ 4 Kattuffinnut allanut attaveqarneq

Imm. 1 BKN badminton aallullugu immikkut kattuffittut Kalaallit Nunaanni Timersoqatigiit Kattuffiannut ilaasortaavoq. Saniatiagut BKN "Badminton World Federation"-imi ilaasortaavoq.

Imm. 2 BKN-imi ilaasortat qitiusumik kattuffiit taaneqartut inatsisaat malerugassiaallu malittussaavaat.

§ 5 Ilaasortat

Imm. 1 BKN-imi ilaasortat tassaapput nunap immikkoortuini klub-it ataani taaneqartut taakkunanilu ilaasortat.

Imm. 2 Kreds-it "BKN"-imik normuminillu taaguuteqartinneqarput.

Imm. 3 Imm. 1 najoqqutarlugu kreds-ip klub-it tassanilu ilaasortat nunap immikkoortuani aalajangersimasumi inissisimasut sinniisuuffigai. Kreds-it nunap immikkoortuani najugaqarfimminni klub-it ilaasortanngortissinnaavaat. Nalorninartoqartillugu BKN-ip siulersuisi aalajangiisussaataitaapput.

- Imm. 4 Nuna tamakkerlugu nunap immikkoortuinut agguataarnerit allanngortinneqassappata BKN-ip sinniisoqarfia aalajangiisussaataavoq.
- Imm. 5 Ilanngullugu ilaasortat attuumassuteqartut, soorlu peqatigiiffiit kalaallinik unammeqataasartunik ilaasortaqartut, sinniisoqarfimmit ilaasortanngortinneqarsinnaapput. Peqatigiiffiit taamaattut inatsisai BKN-ip sinniisoqarfiani akuerisassaapput.
- Imm. 6 Badmintonklub-it ataasiakkaat aamma klub-it/immikkoortortat peqatigiiffittut suleqatigiiffimmut ilaasortanngortut kattuffimmi ilaasortatut akuerineqarsinnaapput. Klub-ip/immikkoortortap ilaasortanngornerani badmintonklub-imi/peqatigiiffittut suleqatigiiffimmi badminton-ertartut tamarmik kattuffimmi ilaasortatut nalunaarsorneqassapput.
- Imm. 7 Ilaasortaanermut atatillugu pisinnaatitaaffiit pisussaafiillu pillugit maleruagassat, ilaatigut ilaasortaanermut akiliutissaq sinniisoqarfimmit aalajangerneqassapput, ilaasortanut Maleruagassat najoqqutarlugit.

§ 6 Inatsisit maleruagassallu

- Imm. 1 BKN-ip inatsisai, amatør-inut maleruagassat maleruagassallu allat kreds-inut, klub-inut taakkunanilu ilaasortanut ingerlaannaq atuutilertarput, taamatullu badminton-imik pissartanngorniunnerni, klub-inik nutaanik pilersitsinernut atatillugu inatsisiliorneri, ilitsersuisunut/sungiusaanut, dommer-inut il.il. BKN-ip maleruagassiai aalajangiunneqarsimasut tamatigut malinneqartussaallutik.
- Imm. 2 BKN-ip inatsisaannut allannguutit taamaallaat sinniisoqarfimmi ataatsimiinnerni akuerineqarsinnaapput. Taasinerni maleruagassat pillugit § 15, imm. 7 takuneqarsinnaavoq.
- Imm. 3 Klub-it inatsisaat taakkunanilu allannguutit akuerisassanngorlugit kattuffimmut nassiunneqartassapput. Klub-it BKN-ip siulersuisuinut akisussaaffeqarnertik naapertorlugu inatsisit pineqartut GIF-ip BKN-illu inatsisaannut naleqquttuunissaat qulakkiissavaat. Klub-it inatsisitik taakkunanilu allannguutit GIF-imut ingerlateqqittassavaat.

§ 7 Doping akiorniarlugu (Anti-doping) aalajangersakkat

Ilaasortat tamarmik BWF-ip GIF-illu doping pillugu aalajangersagaat malitassaraat.

§ 8 Pissartanngorniunnernut taakkunanilu peqataanissamut akuersissutit

- Imm. 1 Kalaallit Nunaanni badminton-imik pissartanngorniunnerit/aaqqissuussat makkuusut BKN-ip ilaasortat sinnerlugit nakkutigalugillu akuerisinnaavaat:
- Nunat tamalaat akornanni pissartanngorniunnerit BWF-ip "General Competition Regulation"-iani erseqqissarneqarsimasut
 - Nunanut allanut unamminerit
 - Nunarput sinnerlugu unamminerit
 - Kalaallit Nunaanni pissartanngorniunnerit
 - Kattuffiup iluani pissartanngorniunnerit
 - Hold-it akunnerminni pissartanngorniunnerit
 - Pissartanngorniunnerit klub-init iml. kreds-init aaqqissugaasut, klub-inillu marlunnik amerlanerusunilluunniit peqataaffigineqartut (Immikkut Pissartanngorniunnerit pillugit Maleruagassat takukkit)
- Imm. 2 Imm. 1-imi allassimasutut kreds-it klub-illu pissartanngorniunnernik/aaqqissuussinernik ingerlatsilersinnatik BKN ilisimatissavaat. Pilersaarutigineqartoq akuerineqanngippat kreds-i iml. klub-i sunik tunngavigisaqarluni itigartitsisoqarnersoq paasiniallugu saaffiginisnaavoq.
- Imm. 3 BKN-imi ilaasortat sioqqutsisumik BKN-imit akuersissumik peqqaaratik pissartanngorniunnerni aaqqissuussinernilu BKN-iunngitsumit aaqqissorneqarsimasuni peqataasinnaangillat.
- Imm. 4 BKN-imi ilaasortat BKN-imit akuersissummik peqqaaratik nunani allani pissartanngorniunnerni aaqqissuussinernilu peqataasinnaangillat.

§ 9 Unamminerni maleruagassat

- Imm. 1 BKN-imi ilaasortanut unamminerni maleruagassat Badminton World Federation-imi atuutisinnegartut tamatigut atuupput.
- Imm. 2 BKN unamminermut maleruagassat iluanni immikkut ittumik pisoqartillugu immikkut akuersisinnaavoq.
- Imm. 3 Unamminerni maleruagassat allannguuteqarnerinik allannguutillu qaqugu atuutisinnissannik BKN klub-inut nalunaaruteqartartussaavoq.

§ 10 Meeqqanik pinerlisimannginnermut uppersarsaat

Klubbit il. il., Badminton Kalaallit Nunaat (BKN) kattuffiannut ilaasortaagunik pisussaaffeqarput meeqqanik pinerlisimannginnermut uppersarsaammik aallissallutik, takuuk meeqqanik pinerlisimannginnermut uppersarsaatinik piumasaqaateqartussaataaneq pillugu Inatsisartut inatsisaat nr. 8, 19. maj 2010-meersoq.

- Imm. 2. Klubbit il. il., pisussaaffeqarput ukiumoortumik nalunaarumminni assigisaanniluunniit uppersarsassallugu meeqqanik pinerlisimannginnermut uppersarsaatinik aallertoqarsimasoq, inatsisit atuuttut naapertorlugit.
- Imm. 3. Badminton Kalaallit Nunaat (BKN) kattuffiannut klubbit il. il., suleqatigalugit aaliangersagaliorsinnaavoq aammalu najoqqutassiorsinnaalluni meeqqat inuusuttuaqqallu kinguaassiutitigut atornerlunneqannginnissaasa anguniarneqarnissaat nukittorsarniarlugu.
- Imm. 4. Badminton Kalaallit Nunaat (BKN) klubbit il. il. inatsisaanni, malittarisassaanni aaliangersakkanilu assigisinnaasaanni ilanngunneqarsimassasoq pisussaaffeqartut meeqqanik pinerlisimannginnermut uppersarsaammik aallissallutik, takuuk meeqqanik pinerlisimannginnermut uppersarsaatinik piumasaqaateqartussaataaneq pillugu Inatsisartut inatsisaat nr. 8, 19. maj 2010-meersoq.

Aalajangersakkat nalinginnaasut

Inatsisinik unioqqutitsinerit il.il., pillaatit, ingerlatitseqqinneq akiliisinnaajunnaarnerlu

§ 11 Inatsisinik unioqqutitsinerit il.il. pillaatillu

- Imm. 1 BKN-ip iluani kreds-it, klub-it iml. inuit ataasiakkaat makkunatigut unioqqutitsisimappata:
 - a inatsisinik maleruagassanillu unioqqutitsineq,
 - b pisussanut /aaqqissuussinernut pisussaaffineqartunut takkutinngitsoorneq,
 - c pissartanngorniunnerit nalaanni kanngunartuliorneq,
 - d nunami maani nunaniluunniit allani iliuutsit BKN-ip isigineqarneranut ajoqutaasut,
 - e Isumaqatigiissutininik atsioqatigiiffiusimasanik unioqqutitsineq,

BKN-ip siulersuisui makku arlaannik iliuuseqarsinnaavoq:

- 1 avoqqaarlernermik iml. mianersoqqusummik nalunaaruteqarneq,
- 2 pissartanngorniunnerni aalajangersimasuni peqataajunnaarsitsineq,
- 3 akiliisitsineq,
- 4 piffissami aalajangersimasumi allajangersimanngitsumiluunniit pissartanngorniunnerni iml. siuttutut sulineri peqataajunnaaqusineq,
- 5 kreds-imit klub-imilluunniit soraarsitsinissamik qinnuteqarneq. Aatsaat ullormut oqaluuserisassanut ilanngunneqarsimatillugu, taasisinnaasullu najuuttut pingajorarterutai marluk siunnersuummut akuersippata kreds-imit klub-imilluunniit soraarsitsineq sinniisoqarfimmit aalajangiiffineqarsinnaavoq,
- Imm. 2 Klub-it iml. klub-ini ilaasortat unioqqutitsineri pillugit suliassat nalunaarutiginissaat BKN-imi siulersuisunit piumasaqaatigineqarsinnaavoq,

- Imm. 3 klub-it klub-inilu ilaasortat unioqqutitsineri pillugit suliassat kreds-init klub-inillu BKN-ip siulersuisuinit ingerlateqqinneqarsinnaapput.

§ 12 Ingerlatitseqqinnissamut periarfissat

- Imm. 1 Kreds-it iml. klub-it kreds-inik, klub-inik iml. klub-it ilaasortaannik ilaatitaajunnaarsinerik aalajangiinerat kreds-it iml. klub-it aqqutigalugit BKN-ip siulersuisuinit ingerlateqqinneqarsinnaapput.
- Imm. 2 Kreds-it iml. klub-it aalajangiineri pineqartumut nalunaarutigineqarnerisa kingorna qaammat ataaseq qaangiutsinnagu BKN-ip siulersuisuinit ingerlateqqinneqarsinnaapput. Suliassaq GIF-imut ingerlateqqinneqarsinnaavoq.

§ 13 Akiliisinnaajunnaarneq il.il.

- Imm. 1 Suleqatigiiffik BKN-imi ilaasortaasoq akiliisinnaajunnaarluni nalunaaruteqarpat BKN-ip iluani pisinnaatitaanermik arsaarneqassaaq. GIF-ip inatsisaanni § 3 najoqqutaralugu oqaaseq suleqatigiiffik ima paasineqassaaq klub-it, klub-it immikkoortui, klub-imi hold-it unammisartut arlaat iml. ingerlatsiviit klub-inik iml. klub-imi hold-it unammisartuunik arlaannik suleqateqartoq.
- Imm. 2 Nalornissutigineqartut BKN-ip siulersuisuinit aalajangiiffineqassapput.

§ 14 Ukiup kaajallannera

Kattuffiup badminton-imik ingerlatsinera piffissami 1. juli – 30. juni ingerlasuuvoq.

BKN-imi sinniisoqarfik

§ 15 Katitigaanera qinersinerillu

- Imm. 1 Sinniisoqarfik tassaavoq kattuffiup qullersaqarfia.
- Imm. 2 Sinniisoqarfik ima katitigaavoq:
- § 16 najoqqutaralugu kattuffiup siulersuisui,
 - Kiisalu klub-it tamarmik sinniisaat.
- Taaneqartut sinniisoqarfiup ataatsimiinnerani oqaaseqarsinnaatitaallutillu taaseqataasinnaatitaapput. Ilaasortanulli maleruagassani § 5, imm. 7 najoqqutaralugu klub-it sinniisaat klub-ip ilaasortaannermut akiliut aatsaat piffissaq eqqorlugu akilersimappagu taaseqataasinnaapput,

Sinniisut taasisinnaanerisa annertussusia klub-it ilaasortaasa nalunaarsorneqarsimasut qassiunerinik aalajangerneqartarpoq, kisitsisillu ukiut tamaasa 1. oktober BKN-imut GIF-imullu nalunaarutigineqareersimasassapput, imaappullu:

Ilaasortat:	Taasisinnaanerup annertussusia:
1 - 50	1
51 - 100	2
101 - 150	3
151 - 200	4
201 - 250	5
251 - 300	6
300 sinn	7

- Imm. 3 BKN-mi atorfillit BKN-ip sinniisoqarfiata ataatsimiinnerani aallartitatut ataatsimeeqataasinnaangillat.
- Imm. 4 Sinniisoqarfik makkuninnga suliassaqarpoq:
- 1 Aalajangersuiffissat
 - timersornermi ataatsimut politikki siunertaasoq
 - iliusissat avammullu kiinnernissaq
 - 2 Aalajangigassat
 - kattuffiup inatsisaani allannguutissat ilaasortanullu maleruagassat
 - 3 Akuerisassat
 - naatsorsuutit ilaasortaannermilu akiliutissat
- Imm. 5 Sinniisoqarfimmit qinerneqartussat:
- § 16, imm. 1 amma 2 najoqqutaralugit siulersuisuni ilaasortassat, Kukkunersuisut.
- Imm. 6 Ataatsimiinneq sioqqullugu BKN-imut allakkatigut qinigaanissaminnut piareersimallutik nalunaarsimagunik inissisimaffinnut qineqqusaarniartut

- Imm. 7 siinniisoqarfiup ataatsimiinerani najuuttariaqanngillat.
Klub-imi BKN-ip iluaniittumi ilaasortaasoq kinaluunniit qinigassanngortissinnaavoq.
Qinigaaffik ataasiinnaq inissiffigineqarsinnaavoq.
- Imm. 8 Taaseqataasinnaanatik oqaaseqarsinnaatitaallutilli alaatsinaatsutut
peqataasinnaasut:
- Klub-it sinniisaat inuit pingasut.
 - Amatør- og ordensudvalg-imi BKN-ip ilaasortaataitai aamma kattuffiup iluani kukkundersiuisut sinniisaallu.

- Nunanut allanut unammisartunut sungiusaasoq, inatsisileritooq BKN-ip suleqatigisaa kiisalu kukknersiuisoq BKN-ip suleqatigisaa.

§ 16 Sinnisoqarfiup ataatsimiinnera

- Imm. 1 Sinnisoqarfimmi ukiumut ataasarluni nalinnaasumik ataatsimiittoqartarpoq. Ataatsimiinneq siulersuisut aalajangiinerisigut Kalaallit Nunaani pissartanngorniunnermut iml. kattuffimmi pissartanngorniunnermut atatillugu ingerlanneqartarpoq.
- Imm. 2 Ataatsimiinnissaq minnerpaamik qaammatit marluk sioqqullugu siulersuisut klub-inut nalunaarutigissavaat. Nalunaaruteqarnermi oqaluuserisassaagallartut makkuninnga ilaqassapput:
1. Sinnisut akuerineqarnerat
 2. Aqutsisussamik qinersineq
 3. Nalunaarutit nalinnaasumillu oqallinnerit:
 - 1 BKN-ip ingerlasimaneranik nalunaarut
 - 2 Kattuffiup inissisimanera siunissaalu. Immikkut sammisaqarluni oqallittoqarsinnaavoq
 4. Naatsorsuutit missingersuutillu:
 - 1 Naatsorsuutit kukknersiukkat saqqummiunneri akuerineqarnerilu
 - 2 Inatsimmi § 5, imm. 7 najoqqutaralugu missingersuutitut siunnersuutip saqqummiunneqarnera, ukiumut akiliutissat aalajangiiffineqarneri ilanngullugit.
 5. Siunnersuutit tiguneqarsimasut oqaluuserineqarneri
 6. § 17 najoqqutaralugu siulersuisunut qinersineq:
 - 1 Siulittaasumik qinersineq
 - 2 Aningaaserisumik qinersineq
 - 3 Siulersuisuni ilaasortanik pingasunik qinersineq
 - 4 Sinnisussamik ataatsimik qinersineq
 7. Ataatsimiittitalianut aalajangersimasunut qinersineq:
 - 1 Amatør- og ordensudvalg-ip siulittaasusnaanik qinersineq
 - 2 Ilaasortanik marlunnik qinersineq
 - 3 Sinnisussamik ataatsimik qinersineq
 8. Kukknersiuisumik qinersineq:
 - 1 Kukknersiuisumik ataatsimik qinersineq
 - 2 Kukknersiuisup sinnisaanik qinersineq
 9. Oqaatigiumasat allat
- Imm. 6 pill.:
 Siulersuisuni ilaasortat ukiuni marlunni ilaasortassatut qinerneqartarput.
 Ukiut allortarlugit siulersuisuni ilaasortat marluk qinerneqartarput (siulittaasoq siulersuisunilu ilaasortaq ataaseq).
 Ukiut allortarlugit siulersuisuni ilaasortat pingasut qinerneqartarput (aningaaserisoq siulersuisunilu ilaasortat marluk).
 Sinnisussat ukioq ataaseq ilaasortassatut qinerneqartarput.
- Imm. 3 Klub-it aallartitartik taaseqataasinnaasoq kinaannersoq kingusinnerpaamik ataatsimiinnerup aallartinnerani nalunaarutigissavaat.
- Imm. 4 Siunnersuutit sinnisoqarfiup ataatsimiinnerani oqaluusereqquneqartut ataatsimiinnissaq sapaatip akunneri sisamat sioqqullugu nassiutereerneqarsimassapput BKN-imilu tigoreerneqarsimassallutik. Ullormut oqaluuserisassat tamakkiisut ataatsimiinnissaq sapaatip akunneri marluk sioqqullugu nassiunneqassapput, naatsorsuutillu kukknersiukkat, siulersuisut missingersuutitut siunnersuutaat kiisalu siunnersuutit tiguneqarsimasut ilanngunneqassallutik.
- Imm. 5 Ullormut oqaluuserisassani immikkoortut siulliit marluk siulittaasumit ingerlanneqassapput.

- Imm. 6 Ataatsimiinnermi aqutsisussaq sinniissoqarfimmit qinerneqassaaq. Aqutsisussaq BKN-ip siulersuisuni ilaasortaasinnaanngilaq. Oqaluuserissat taasisutigisassallu pillugit apeqqutit tamarmik aqutsisumit aalajangiiffiqineqassapput, taamaattorli ataatsimeeqataasut najuuttut akornanni minnerpaamik ataatsimit allakkatigut isertortumik taasisitsinissaq kissaatigineqarpat tamanna ingerlanneqassaaq.
- Imm. 7 Aalajangigassat amerlanerussuteqarnikkut aalajangerneqartarput, taamaattorli inatsisit taakkunanilu allannguutissat akuerineqassappata taasinerit pingajorarterutai marluk minnerpaamik pisariaqartitaapput. Kattuffiup atorunnaarsinnissaa pillugu taasisoqarnermut §20 innersuutigineqarpoq.
- Imm. 8 § 14, imm. 2 najoqqutaralugu taasisinnaallutik ataatsimeeqataasut ataasiinnarmik naleqarput, taasisinnaanermullu piginnaatitaaneq nammineq najuunnikkut atorneqarsinnaavoq.
- Imm. 9 Ataatsimiinneq imaqarniliorneqassaaq, imaqaniliarlu siulittaasumit, aqutsisumit allattaasumillu atsiorneqassalluni.
- Imm.10 Siulersuisut pisariaqartippassuk sinnisoqarfik immikkut ittumik ataatsimiigiaqquneqarsinnaavoq, iml. minnerpaamik klub-it sisamat tamanna pisariaqartillugu tunngavilersukkanik allagaqarnikkut piumasaqaat siulersuisunut nassiuppasuk. Ataatsimiigiaqqusineq piumasaqarnerup kingorna kingusinnerpaamik ullut 14-it ingerlanerini pissaaq, ataatsimiinnerullu aqunneqarnera, taasinerit il.il. pillugit aalajangersakkat naliginnaasumik ataatsimiinnerni atuuttut malinneqassapput. Ullormut oqaluuserisassat imarisassaat taassaassapput immikkoortut ataatsimiigiaqqusinerimut tunngavigisat kiisalu immikkoortut siulersuisut ataatsimiinnermi saqqummiukkumasaat.
- Imm.11 Klub-it sinniisaasa siulersuisunilu ilaasortat angalanerimut inissaqarnerinullu aningaasartuutit siulersuisut aalajangigaat naapertorlugit BKN-imit akilerneqassapput.

Siulersuisut

§ 17 Qinersinerit katitigaanerilu

- Imm. 1 Siulersuisut tallimanik ilaasortaqarput, taakkulu sinniissoqarfimmit qinerneqartarput.
- Imm. 2 Siulersuisuni ilaasortaq sinniissoqarfimmit qinigaasimasooq sinniissoqarfiup ataatsimiinnerisa marluk akunnerini tunuarpat, siulersuisut namminneq ilassaminnik toqqaassapput. Toqqaarneqartup § 14, imm. 7 naapertorlugu piumasarineqartoq naammassisinnaassavaa, taamatullu sinniissoqarfiup tulliani ataatsimiinnissaata tungaanut tamakkiiisumik siulersuisuni ilaasortaassalluni.
- Imm. 3 Siulersuisut makkunatigut akisussaapput:
- 1 Missingersuutit naatsorsuutillu, tassungalu atatillugu naatsorsuusiornermut ileqquusut maleruagassallu akuerinissaat.
 - 2 Suliassanik pilersaarutit pillugit siunnersuutininik akuersinissat.
 - 3 § 18 najoqqutaralugu ataatsimiititaliat aalajangersimasut pisinnaatitaaffiininik akisussaaffiinillu akuersinissaq.
 - 4 Kattuffiup timersornikkut politikkini naapertorlugu kiinnernissaa iliuusissallu.
 - 5 Maleruagassani allannguutissanik akuersinissat, tassungalu ilanngullugit:
 - A Inissisimanermi tulleriiarnermut maleruagassat.
 - B Pissartanngorniunnerit ataasiakkaat pillugit pissarsartanngorniunnerni maleruagassat.
 - C Nuna tamakkerlugu BKN-ip aqqissugaanik pissartanngorniunnernut maleruagassat.
 - D BKN-imi ilaasortaanermut maleruagassat.
 - 6 Akuersinissat:
 - A BKN-ip aningaasanik tapersersorteqarnikkut politikkia, tassungalu atatillugu tapersersortininik isumaqatigiissutinik pingaarnernik akuersinerit.
 - B Aningaasanik tapersortinut BKN-ip pisinnaatitaaffiininik tunniussinerit.

- Imm. 4 Ataatsimiittarnerit:
Piffissani siulersuisunit aalajangerneqartuni siulersuisut ukiumut minnerpaamik sisamariarlutik ataatsimiittarput. Saniatigut siulittaasup pisariaqartippagu, iml. siulersuisuni ilaasortat minnerpaamik pingasut allakkatigut piumasarippassuk ataatsimiittassapput. Taamatut piumasaqarluni saaffiginnineq siulittaasumut ingerlanneqassaaq, taassumalu ullut arfineq pingasut ingerlanerini ataatsimiigiaqqusinissaq isumagissavaa.
- Imm. 5 Ataatsimiinnernut qaaqqusinerit ullut arfineq pingasut sioqqullugu kalerriutigineqassapput, ullormullu oqaluuserisassat ilanngunneqassallutik. Ataatsimeeqataasut qassiugaluarpataluunniit siulersuisuni ataatsimiinnermi aalajangiisoqarsinnaavoq.
- Imm. 6 Siulersuisut suleriaasissartik nammineerlutik aalajangissavaat, siulersuisullu ataatsimiinneri imaqarniliorneqartassapput, imaqarniliarlu ataatsimiinnerup kingorna piaarnerpaamik siulersuisuni ilaasortanut nassiunneqartassaaq.
- Imm. 7 Siulersuisut suliassaminnik naammassinninnissaq siunertaralugu ataatsimiititaliorlutillu apeqqutinik aalajangersunik saammisaqartussanik suleqatigiissitaliorsinnaapput.
- Imm. 8 Siulersuisuni aalajangikkat BKN-ip amatør- og ordensudvalg-ianut naammagittaalliutigineqarsinnaapput.
- Imm. 9 Siulittaasoq siulersuisunullu ilaasortaq ataaseq ataatsimoorlutik kattuffik sinnerlugu atsiorsinnaatitaapput.

Allaffeqarfik ataatsimiititaliallu

§ 18 BKN-ip allaffeqarfia

- Imm. 1 Kattuffimmi ulluinnarni ingerlatsineq siulersuisunit isumagineqassaaq suliassallu ataqatigiissarneqassallutik.
- Imm. 2 Pisariaqartinneratigut siulersuisut aningaasarsiaqartumik ikiortissaminnik atorfinitsitsinnaapput.

§ 19 Aalajangersimasumik ataatsimiititaliat allat

- Imm. 1 Sinniisoqarfimmi ataatsimiititaliani ukunani ilaasortassat qinerneqassapput: Amatør- og ordensudvalg
- Imm. 2 Qinersinerit/toqqaanerit ukiuni marlunni atuutissapput, ataatsimiititaliallu sulinera piffissami 1. juli – 30. juni ingerlassalluni.
- Imm. 3 § 16, imm. 5,3 najoqqutaralugu. ataatsimiititaliap pisinnaatitaaffii akisussaaffiilu siulersuinit aalajangerneqartarput.

§ 20 Naatsorsuutit kukkunersiuinerlu

- Imm. 1 Kattuffimmi naatsorsuutitut ukioq tassaavoq 1. januar – 31. december.
- Imm. 2 Ulluinnarni naatsorsuuserineq BKN-ip allaffeqarfianit isumagineqassaaq, missingersuutillu aqunneqarnissaat siunertaralugu qaammatikkaartumik naatsorsuutitik naammassinnittoqartassaaq.
- Imm. 3 Siulersuisut akuersinerisigut siulersuisut ukiumut naatsorsuutitik kukkunersiuinerinillu isumaginnittussanik kukkunersiuisunik naalagaaffimmit akuersaasunik iml. kukkunersiuisutut allagartalinnaq suleqatissarsiorsinnaapput. Kukkunersiuinerlutik atatillugu allattukkat suliarineqarsimasut atsiorsimasullu naatsorsuutitut ilanngullugit siulersuisunut saqqummiunneqartassapput.
- Imm. 4 Naatsorsuutit naatsorsuinerlutik ileqqusut/maleruagassat maliillugit suliarineqarsimasut kingusinnerpaamik januarip naanerani kukkunersiuisunut tunniunneqassapput, taakkulu naatsorsuutit kukkunersioreerlugit tiguneqarsimanerisa kingorna kingusinnerpaamik qaammatip ataatsip qaangiunnerani utertissavaat.
- Imm. 5 Sinniisoqarfimmi naliginnaasumik ataatsimiinnissaq ullut 14-t sioqqullugit naatsorsuutit missingersuutillu klub-inut oqaaseqarfigisassanngorlugit nassiunneqartassapput.

- Imm. 6 Sinniisoqarfiup ataatsimiinnissaani tulliuttumi siullermi aalajangigassat pingaarnerusut sivisunerusumilluunniit pisussaaffiliisut akuerineqassapput.
- Imm. 7 Naatsorsuutit kukkunersuisullu oqaaseqaataat ilanngullugu sinniisoqarfimmi akuerisassanngorlugit saqqummiunneqassapput.

§ 21 Amatør- og ordensudvalg-ip katitigaanera suliassaalu

Katitigaanera:

- Imm. 1 Siulittaasoq, ilaasortat marluk sinniisussarlu sinniisoqarfimmi qinerneqassapput.
- Imm. 2 Ilaasortaasoq ataatsimeeqataasinnaangippat iml. allamik peqquteqarluni suliassami pineqartumi nalileeqataanissamut peqataatinneqarsinnaangippat siulittaasup aalajangiineratigut sinniisussaq ataatsimiititaliamut ilaasortatut ivertinneqassaaq.
- Imm. 3 BKN-ip sinniisoqarfiani ataatsimiinnerni ataatsimiititaliami ilaasortat oqaaseqarsinnaatitaapput, taaseqataasinnaanatilili.

Suliassat:

- Imm. 1 §§ 3, 4, 5, 6, 7, 8 aamma 9 najoqqutaralugit amatør- og ordensudvalg-imi aalajangersakkat soraarsitsinermullu aalajangersakkat pillugit amatør- og ordensudvalgi qullersatut aalangiisussaatitaavoq, tassungalu ilanngullugit kattuffiup iluani avammulluunniit pissusilersornikkut timersortartorpalaanngitsumik akuerineqarsinnaanngitsumillu pissusilersornikkut, soorlu ilaminut ilumoortuunngitsumik, tulluannngitsumik iml. kissaatiginanngitsumik pissusilersornerit isiginiarneqassallutik.
- Imm. 2 Taama aalajangiisoqarnissaq illuatungeriinnit kissaatigineqarpat aammalu taamatut aalajangiinissaq ataatsimiititaliamit pisariaqarsorinarpat amatør- og ordensudvalgi isumaqatigiissitsiniarnikkut eqqartuussivittut klub-it akornanni BKN-illu iluani suleqataasut akornanni isumaqatigiinnginnerit tamaasa aalajangiiffisussaaval.
- Imm. 3 Amatør- og ordensudvalg-imi siulittaasoq allakkatigut ataatsimiigiaqqusisussaavoq, suliassallu piaarnerpaamik ingerlanneqarnissaannut akisussaaffeqarluni.
- Imm. 4 Ataatsimiititaliamut suliaritinniakkat kattuffik aqputigalugu, ajornanngippallu klub-it aqputigalugit, allaganngorlugit nassiunneqartassapput, taamatullu illuatungeriit iml. allat suliassamut soqutiginaateqartunik saqqummiusserusussinnaasut ataatsimiititaliamit toqqaannartumik attavigineqarsinnaassapput. Illuatungeriit suliassamut atatillugu pingaaruteqartunik saqqummiusisinneqannginnerini iml. nammineeqluni ornigunnikkut ataatsimiititaliamik ataatsimeeqatigiitoqartinnagu suliassaq pineqartoq aalajangiiffigineqarsinnaanngilaq. Ornigulluni nammineq saqqummiussiumagaanni nammineq aningaasartuutigineqassaaq, aammalu ataatsimiititaliap piffissaliineratigut piffissami aalajangersimasumi sinniisoqarnikkut ingerlanneqarsinnaalluni.
- Imm. 5 Minnerpaamik ilaasortat marluk najuunnerisigut ataatsimiititaliaq aalajangiisinaassuseqarpoq.
- Imm. 6 Aalajangiinerit nalunaarutigineqarnerisa kingorna sapaatip akunneri sisamat qaangiutsinnagit ataatsimiititaliap aalajangigai illuatungeriinnit iml. kattuffimmit GIF-ip amatør- og ordensudvalg-ianut naammagittaalliutigineqarsinnaapput.

Immikkut aalajangersakkat

§ 22 Kattuffiup atorunnaarsinnera

Badminton Kalaallit Nunaat atorunnaarsinniarlugu siunnersuutit taamaallaat sinniisoqarfimmi immikkut ittumik ataatsimiittoqarnerani oqaluuserineqarsinnaapput, tassanilu atorunnaarsitsinissaq ullormut oqaluuserisassani immikkoortutuaassaaq.

BKN-ip sinniisoqarfiani ilaasortat minnerpaamik pingajorarterutai marluk (2/3) najuutissapput, siunnersuutigineqartorlu akuerineqassappat taasisut 5/6-ii akuersissallutik. Naammattumik

ilaasortanik najuuttoqanngippat kingusinnerpaamik sapaatip akunneri arfineq pingasut qaangiunnerini kingumut sinniisoqarfimmi ataatsimiiittoqajjissaaq. Taamatut ataatsimiinnermut qaaqquusineq minnerpaamik ullut 14-anit sioqqullugu kallerriunneqassaaq. Ataatsimiinnermi taasisinnaallutik najuuttut qassiugaluarpataluunniit atorunnaarsitsinissaq aalajangiunneqarsinnaavoq, taamaattorli aatsaat taasisinnaasut 5/6-iisa akuersaarpassuk.

§ 23 BKN-ip atorunnaarsinnerani aningaasat uninngasuutitat

Katuffik atorunnaarsinneqassappat kattuffillu aningaasanik uninngasuutitaqassappat taakku nunatsinni siunissami timersornermut atugassanngortillugit GIF-imut tutsinneqassapput, tassanilu badminton pingaartinneqassalluni. Aningaasat qanoq atorneqarnissaannik aalajangiineq § 21-imi taaneqartumi sinniisoqarfiup ataatsimiinnerani pissaaq.

BKN-ip sinniisoqarfiani ulloq 16.04.2011 Nuuk-mi immikkut ittumik ataatsimiinnermi aalajangerneqarput.

Nutarterneqarput Ilulissani 28. marts 2013 BKN-ip naloginnaasumik ataatsimeersuarnerani.

Nutarterneqarput Nuummi 13. april 2017 BKN-ip naloginnaasumik ataatsimeersuarnerani.

Nutarterneqarput Nuummi 17. marts 2025 BKN-ip naloginnaasumik ataatsimeersuarnerani.